

Minister di Infrastructura Sr. Benny Sevinger

Trabaonan lo continua despues cu Caya Grandi keda cla

ORANJESTAD – Trabaonan lo bay continua despues di dia 15 di december, cual ta e deadline pa loke ta e fase final di e proyecto di tram den Caya Grandi. Esaki ta segun Minister di Infrastructura, Sr. Benny Sevinger.

TRABAONAN LO CONTINUA

Ainda mester traha riba varios caya entre otro Wilhelminastraat, Schelpstraat, Havenstraat, Hendrickstraat, Emmastraat, tur e otro cayanan cu ta conecta cu e Caya Principal. Esakinan tambe lo wordo renoba. E trabao lo continua despues di dia 15 di December. Un biaha mas, Gobierno su meta ta pa keda cu e Caya Principal aki ta completa pa e fecha stipula. Esaki lo nifica cu hendenan por cana, lo no tin lodo y por haci nan compranan. Tan pronto cu e materialnan ta na Aruba lo percura pa esakinan ta poni. Ta papiando aki di piedranan natural, cu ainda mester yega. Tin planesnan caba cu si en caso esakinan no yega na otro, con lo por endurece e superficie cu e lo keda bon. E matanan a cuminsa yega caba.

EMBEYECIMENTO

Riba diferente plaza tin e dadelnan planta. Tin e Black Olive cu tambe ta parti di e streetscaping. Riba e zona tin mas of menos 300 mata cu a wordo poni. Apenas cu a pone



Minister di Infrastructura, Sr. Benny Sevinger.

mata caba por mira e cambionan cu e esfera cu ta trece. Tin cu bay trece sombra ora nan wordo habri y tin cu bay trece e ambiente cu kier den caya grandi. Esey ta e idea di e ultimo fase.

COBAMENTO

Hopi hende a puntra dicon cu ta coba un biaha mas, siendo cu e infrastructura ta bao di tera caba. Infrastructura ta consisti den dos parti. Uno ta e hoofdlijnen cu ta pasa bao di e railsnan. Esey a sosode caba. Loke ta sosodiendo awor aki ta e conexon di e hoofdkabel pa cada tienda. For di buraconan (manhole), cual ta basta visibel, por saca kabel cu ta bay cada tienda y mester sosode den e ultimo fase aki. E cobamento cu ta pasando ta pa e matanan, e dripping system, cobamento pa luz y conexon entre e conexon principal cu e tiendanan cu mester sosode. No ta cu no a habri e caya atrobe di nobo, simplemente ta continuando pa e klinkersnan

por wordo poni.

LANGZAAM MAAR ZEKER

Si tur cos bay bon e siman aki caba e klinkersnan mey mey di e railsnan a cuminsa wordo poni. Den cierto parti di caya a wordo poni caba y parti pabao bay ariba, poniendo e klinkersnan, cerando e caya poco poco pa por haal e fecha di dia 15 di december. Gobierno ta mirando tambe cambionan pa loke ta edificacionan cu ta wordo renoba. Esey ta loke gobierno kier mira atrobe, un caya grandi nobo, un caya grandi vibrante, un caya grandi cu Aruba por ta orguyoso di dje y tambe nos bishitantenan ta orguyoso di dje.

REKISITONAN ADICIONAL

Otro cos cu por anuncia cu e proyecto di pone e railsnan a termina. Esey tambe a keda cla. Tin e ruta full poni te cu waf. E tram por yega y por cuminsa core y dal su rondje. Naturalmente tin cu caba loke ta e haltenan cu tin cu yega, caminda e tram lo bay



E matanan di dader cu ya ta planta, cla pa wordo habri.

para, unda hende lo subi, etc. Esaki a termina den un moda profesional. Tur rail a wordo conecta y awor aki simplemente mester warda e vehiculo yega pa cuminsa haci uzo di dje.

VISION DI GOBIERNO

Minister Presidente, mr. Mike Eman a splica adicionalmente, cu e diferente tiendanan a cuminsa cu renobacion. Gobierno a pone hopi energia den esaki. Gobierno a pone un sala di exposicion un poco mas pariba caminda cu a desplega tur loke ta e cambionan den caya grandi pero tambe henter centro di ciudad y Aruba completo y a pasa dianan hasta simannan den un dialogo continuo cu esnan cu tin tiendanan den caya grandi y den centro di ciudad, dunando tin biaha den grupo, tin biaha indi-

vidual, splicacion di kico ta bay sosode den caya grandi y mira unda por facilita esnan cu tin un edificio den caya grandi pa tuma e pasonan necesario pa por yega na e renobacion y awe gobierno ta orguyoso pa bisa cu a mira cu e empeño cu a wordo haci pa cuminsa cu e dialogo y expone na tur esnan cu tin un propiedad en caya grandi kico ta e vision di gobierno, unda nan kier yega, cua ta e cambionan y con nan lo por capitalisa riba e cambionan aki, awe tin resultado cu tiendanan a cuminsa.

Sin menciona nomber, banda di esnan cu a inicia, tin otronan cu lo bay cuminsa dentro di corto y tin un palabracion cu tur e empresanan aki lo forma parti di e momento cu cada un di nan ta cla pa haci anuncio oficial caminda cu nan lo desplega y presenta pa pueblo tambe e cambionan importante y e inversionnan cu nan ta haci.

2013 AÑA DI PROGRESO

P'esey ta mira año 2013 como un año di progreso y un año di cambio y un cambio di renobacion importante pa pais Aruba. Pasobra logicamente tur e inversionnan cu a wordo haci ta biniendo cla pero na mesun momento tin inversionnan cu ta bay cuminsa for di sector priva capitalizando riba e cambionan y renobacionnan cu gobierno a haci y esey naturalmente ta bay duna impulso hopi grandi na e economia di Aruba. □